

وقفات مع السور والآيات | سورة المطففين | الحلقة الثانية

شريف طه يونس

هذا ارسل ربي للخلق نورا يهدي روحا تسري تحيي امواتا تجعلهم كنجوم تمشي في الشريف كنجوم تمشي في البشر طيب ان الحمد لله تعالى نحمده ونستعين به ونستغفره نعوذ بالله تعالى من شرور انفسنا ومن سيئات اعمالنا - [00:00:00](#)

انه من يهديه الله تعالى فلا مضل له ومن يضل فلا هادي له. اشهد ان لا اله الا الله وحده لا شريك له واشهد ان محمدا عبده ورسوله ثم اما بعد - [00:00:39](#)

طيب ان شاء الله دي الحلقة الثانية ان شاء الله مع سورة المطففين احنا طبعنا في في عندنا مدرسة لصورة المطففين موجودة على قناتنا على اليوتيوب. مدرسة يعني كانت كانت معمولة مع المسيرين والمسيرات - [00:00:50](#)

يعني فهي مدارس من من طراز مختلف شوية يعني لانها كان ساعتها مستوى المستوى بتاع الناس الحاضرين يعني مختلف في السنة فساعتها تناولنا بعض الامور يعني اقصد احنا هنا عشان بس ما الناس دي مش تكرار لدين دي دي حاجة ودي حاجة ثانية - [00:01:12](#)

قلنا في بداية الكلام امبارح ان ده تناول على المنهاج اللي هو الوقفات ان احنا واقفين وقفة معينة وواحد في الصورة واكدت امبارح على ان احنا لما هنشوف لما نسمع سورة المطففين فاحنا محتاجين نقرأها قرايتين. ماشي - [00:01:29](#)

القراءة الاولى القراءة الايه ليه قريتي خلي دي دي القراءة الشخصية خيلنا او القراءة الصلاحية. ماشي؟ في قراءة صلاحية. دائما القرآن كده يتقرا السورة اتقرا مرتين اقراها صلاحا واقراها ايه صلاحا. لان قلنا ما فيش حاجة اسمها مسلم ما بيصلحش - [00:01:45](#)

دي كده في النسخة الاصلية بتاعة المسلم ان هو بيصلح زي نسخة الويندوز كده زي نسخة اللي نازلة على المسل الكمبيوتر اللي او اس اللي نازل على على الابل او الايفون الاندرويد اللي نازل - [00:02:07](#)

على السامسونج. النسخة دي بيبقى نازل فيها مسلا برنامج اليوتيوب. نازل فيها برنامج كذا فالمسلم النسخة الاصلية اللي لازم تبقى نازلة في قلبه ان فيه صلاح وفيه ايه؟ صلاح ولتكن منكم امة كنتم خيرون من قلنا الكلام ده امبارح - [00:02:21](#)

فلذلك القرآن كتير مننا ما بياخدش باله من اللقطة دي واحد بتبقى غالبية عليه النفسية الصلاحية فيقراه قراءة الايه؟ قراءة الداعية والمصلح والمش عارف ايه وينسى انه يقراه صلاحا لنفسه - [00:02:35](#)

وواحد بتبقى غالبية عليه القراءة الصلاحية وينسى ان هو يقراه ايه صلاحه. طبعنا الكلام ده هتلاقيه واضح جدا مثلا في جزء الزاريات مسلا هتلاقوا الكلام ده واضح جدا في جزء الزريق - [00:02:49](#)

ان السورة تتقرا القرايتين دول انا كمسلم اقراها القرايتين دول الاول بقرأها صلاحا بنية صلاحي انا الشخصي فيشوف بتقول لي ايه وانا ايه اللي انا محتاج اصلحه في نفسي؟ وبعدين اقرأها صلاحا. يعني ايه صلاحا - [00:03:01](#)

انا كائنسان بتصدى للصلاح بحاول ان انا اقيم الدين ده في غيري بحاول ان انا انصر هذا الدين انا كمسلم بعمل كده ايه اللي الصورة بتقوله لي واضح فالقراءة اللي احنا اتكلمنا عنها امبارح كانت القراءة الايه - [00:03:16](#)

الاصلاحية الصلاحية انا كمسلم النهاردة المطففين دول عمالين يأزوني ليل ونهار تمام المطففين بازون اللي هو المطففين قد يكونوا من المسلمين قد يكونوا من المنافقين قد يكونوا من الايه؟ للكافرين - [00:03:32](#)

فانا كمسلم بتعرض لهذا التطفيف. وقلت اكثر ناس بتتعرض للتطفيف المصلحين اه يعني وكمان المصلحين بيتعرضوا لاكثر ليه؟ لان الناس يحبون الرجل صالحا ولا يحبونه مصلحا يقولوا له ايه؟ يا صالح قد كنت فينا مرجوا قبل هذا - [00:03:48](#)

انت كنت حلو وجميل وكويس كده وتماز وفي نفسك بقت بتقول حلال وحرام وصح وغلط ايه حكايتك يا صالح يا صالح قد كنت فينا مرجوا قبل هذا اتنهنا ايه اللي حصل لك - [00:04:07](#)

فالناس يحبون يحبون الرجل صالحا ولا يحبونه ايه؟ مصلحا ولا ناصحا ما يحبوش ناصح ما تنصحنش انت في نفسك خليك في نفسك عليكم انفسكم رغم ان سيدنا ابو بكر يقول ايها الناس انكم تقرأون هذه الآية - [00:04:20](#)

وتفهمونها على غير ما انزلت عليه عليكم انفسكم بعدما تقوم بما عليكم حينها لا يضركم من ضل اذا اهتديتم نمشي عليكم انفسكم يعني كل واحد في نفسه. انا اشوف ابني اشوف بنتي - [00:04:41](#)

فمع القواعد مع القواعد مع ادع الى سبيل ربك بالحكمة والموعظة الحسنة جادلهم بالتالي هي احسن خلاص انا بعمل بقوم بدوري اللي انا بالضوابط الشرعية التي ايه؟ التي امر الله بها - [00:04:59](#)

الامر بمعروف وبمعروف والامر والنهي عن المنكر بما لا يترتب عليه منكر اكبر الامر بالمعروف بايه؟ بمعروف. بمعروف شرعي ومعروف عرفي. معروف شرعي ومعروف ايه؟ عرفي معروف الشرعي ان ربنا في مسلا ما تغلطش القول ده اسمه معروف الايه؟ المعروف الشرعي. والمعروف العرفي ما يناسب عرفا - [00:05:11](#)

عرفا مسلا انا واحد صغير وده راجل كبير لأ في طريقة معينة للكلام ايه الكلام الصغير مع الكبير في طريقة لكلام الابن مع الاب في طريقة لكلام البنات مع الام فالمعروف عرفا والمعروف ايه - [00:05:32](#)

شرع فيأمر بالمعروف ويعنه عن المنكر بما لا يترتب عليه منكر ايه؟ اكبر ما نروحش منها على منكر يترتب عليه منكر ايه؟ اكبر. المهم الشاهد فالمسلم عنده هذا هذا الواجب اللي هو كده كده هو مطالب به. ولما يقابل ربنا يسأله عنه - [00:05:44](#)

ودي لجنة امتحان في الاسلام عشان كده الناس محتاجة تعيد النذر تاني تاني في الاسلام اللي احنا عليه لان اصلا ده واحد من الاشكالات لعن الذين كفروا من بني اسرائيل على لسان داود وعيسى ابن مريم - [00:06:05](#)

ذلك بما عصوا وكانوا يعتدوا كانوا لا يتناهون عن منكر فعلوه. لبئس ما كان يصداً كان معاد المناكير تبقى وسطهم وما حدش بيايه لا بينهي عنها ولا ينصح بها ولا ينصح فيها ولا يبعظ ولا الكلام ده - [00:06:19](#)

المهم فالمسلم بنلاقي الخطاب القرآني موجه للمسلم صلاحا وايه؟ واصلاحا. يقول لك ازاي تبقى صالح؟ وازاي تبقى مصلح؟ كل واحد يصلح حسب ما يتيسر يصلح في نفسه يصلح في بيته بس المسلم يفهم ان ده جزء من اسلامه - [00:06:36](#)

جزء لا يتجزأ من اسلامه فاحنا امبارح المفترض اتكلمنا عن قراءة الآية؟ المصلح او انت لما تتصدى الاصلاح دايمًا هتؤذى وتتعرض للتطفيف. تمام؟ هيبقى بيتعاملوا معك ازاي آ اذا اکتالوا عليك - [00:06:54](#)

يستوفون وازا كلوك او وزنوك يعملوا ايه؟ يخسروا مش انت بتاع ربنا هو انتم الناس بتوع ربنا بتعملوا كذا ينرفذك ويعصبك ويطلع عينك ويقول لك يا اخي انت مش بتاع ربنا - [00:07:11](#)

هو يعني الناس بتاع ربنا اللي تعمل كده هم الناس يعني الشيوخ يعملوا كده؟ اه يعملوا كده بوسة ما تشيخ ازاي يجي هو بقى مسلا يكون في مقام يقول لك هو ده برضو ينفع كده؟ هو ده الانتزام؟ هو ده احترام العلم. هو ده احترام مش عارف ايه؟ انت لما مش قد مم - [00:07:29](#)

فهما مطفيين في التعامل مع المصلحين والتعامل مع الناصحين ايه؟ مطفيين. فضلا بقى عن الكافرين كافرين بشكل اساسي في تعاملهم مع المصلحين هم مطفيين. يعني طبعا واضح جدا تطفيف مسلا الغرب. واضح جدا تطفيف الكفار والفجار بشكل عام -

[00:07:50](#)

واضح تطففهم زي ما قلت مسلا امبارح لأ هو مسلا عنده الحرية ان هو يبقى حر يعمل اللي هو عايزه انه يبقى حر انه يقيد حريتك فهي حرة انها ما تلبس حجاب - [00:08:07](#)

بس انت مش حرة انك تلبسي حجاب فهو حر انه يقيد حريتك وهو دايمًا نقول عايز حرية مش حرية فكر عايز حرية كفر والمرأة مش عايز حرية المرأة عايز حرية الوصول الى المرأة - [00:08:21](#)

عنده مشكلة المرأة دي ليه؟ ليه مش ليه انت بتقولي لأ ومش عارف ايه والكلام من ده ليه بتقولي حلال وحرام وينفع وما ينفعش هو عايز حرية الوصول ايه لها - [00:08:39](#)

فهو مش عايز يحررها يحررها من ايه؟ زي ما قلت قبل كده ان مسلا عندنا في مصر قاسم امين لما كان بيتكلم مع امه ست على الفطرة انت بتعمل ايه يا ابني؟ انا بحرر المرأة - [00:08:52](#)

بفطرية قالت له يا ابني وهي المرأة قالت لك عايزة تتحرر ما نكرش ان في سوء استعمال للسلطة الدينية والاجتماعية ما نكرش ان في يعني صامسورت من السقراطية ما نكرش - [00:09:04](#)

بس في الجملة المرأة المسلمة اللي اختارت هذا الدين واختارت هذا الاسلام وعجبها هذا السيستم والنظام ما ما قالتش لحد تعال حررها عشان يبقى قضيته في الحياة انه يعمل ايه؟ ان هو يحررها - [00:09:19](#)

قضيته في الدنيا ان هو يحررها زي الناس اللي بيقدوا يدافعوا عن عن الشواز وهم من الشواز يعني حاجة غريبة جدا هو عايز حرية الفسوق لان طبعا هو دايم الفسوق بيخرم على بعضه يعني او يعني بيخدموا على بعض - [00:09:32](#)

زي امرأة سيدنا لوط هي مش منهم بس بتعمل ايه؟ بتساعدهم وبتقف جنبهم وبتدافع عنهم فده اللي هو الكفر بالوكالة الامام مالك رحمه الله شيخو عمل له اختبار قبل ما ما يتصدى للتدريس - [00:09:50](#)

طبعا هم الاختبارات بتاعتهم ما كتش ايه مش بقى هو في عنده الاختبار العلمي ده مسألة بس في اختبار اخر باختبار بقى ايه عايز يشوف همه في الحياة عايز يشوف مقدار صدق واخلاصه واثيره للاخرة - [00:10:12](#)

فقال قال يا ما لك من السفلة وفي ضبط بين السفلة قال الذين يبيعون اخرتهم بدنياهم قال فمن سفلة السفلة قال الذين يبيعون اخرتهم بدنيا غيرهم يعني ما يبيعش ويستفيد حاجة - [00:10:28](#)

يبقى اخوته بدنياه فطبعا دول معروفين ماشي لكن بقى بتحزني ان الحالة دي ممكن تنطبق على اب او ام هو باع باع اخوته عشان خاطر ايه عشان خاطر ولاده فتيجي الست هناك كده وعندها اربعين خمسين ستين سنة - [00:10:48](#)

وتقول لك طب انت يا ستي ما تعلمتيش القرآن ليه؟ ما عملتيش ليه؟ ما ودبتيش ليه والله ما انا الولاد وكنت مشغولة والولاد ومش الولاد طب ما عادي كنت ممكن تعملي كده - [00:11:09](#)

انت ممكن تاخدي لك ساعتين ثلاثة في اليوم عادي والدنيا شغالة فيؤسفني ان ده يبقى حاضر في يعني الانسان انا النهاردة اولادي دول ايوه امانة بس مش على حساب ان انا نفسي يعني انا برضه من الحاجات اللي كنت بستغرب لها - [00:11:19](#)

الاب يودي ابنه يتعلم القرآن وهو ما بيتعلمش ومهتم جدا ان ابنه يصلي وهو ما يبصليش ويبقى حاجة غريبة جدا يعني المهم فالسيد دي قراية مهمة اللي هي القراية الاصلاحية المفترض كناس مسلمين لازم نكون مصلحين بصورة او باخرى. فنتعرض للتطيف ده في كل - [00:11:34](#)

كل الدوائر الاصلاحية. لان الناس يحبون الرجل صالحا ولا يحبونه مصلحا ولا ناصحا فبناء عليه هيعملوا ايه؟ ده ده بطبيعة الحال هو يعني سامسورت اوف ديفنس ميكانيزم. يعني ده نوع من الحيل الدفاعي - [00:11:59](#)

ان بطبيعة الحال الانسان هو لما يببقى مش قادر يكون زي شخص فلازم يعمل ايه لازم يكدر عليها ينكد عليها عشان يحاول يوهم نفسه ان هو احسن منه ولزك من الحاجات العجيبة جدا بتلاقوا اكثر الناس اللي بينتقدوا المحجبات هم غير المحجبات. طب انت بتنتقدي المحجبة ليه - [00:12:14](#)

هي في قرارة نفسها عارفة ان المحجبة احسن منها بس بتحاول توهم نفسها ان اه يعني مسلا مرة حد كان بيقول حاجة لطيفة اوي. كتير من المحجبات طيب مش كل يعني؟ لا مش كل. كتير من المحجبات نصابات واخلاقهم مش حلوة. طب ما تتحجبا تخلي اخلاقك حلوة - [00:12:38](#)

ورينا النموذج بس ده الناس الملتحين والسنية دول فيهم وفيهم وفيهم. طيب انت خليك انا اذكر يعني وانا في في اولي كلية يعني فترة في واحد قريبي يعني جالس معي - [00:13:00](#)

فهو يحاول ينفرنني من ان انا مسلا اطلق لحييتي. خلاص؟ فطبعا قلنا مش في شوية شعر في دقن ده اسفه حاجة ممكن طرة يعني.

هو فكرة ان انت انت هتاخذ - [00:13:18](#)

خدي اتجاه فعندك منهاج حياة عندك خياراتك في الحياة وصورة او باخرى. انما هي مش انا فاكر مرة واحد من الزملاء في سنة ساة

كده وجاي بيكلمني وبتاع ويا دكتور وفلان يقول لي ارتاح وفلان. قلت له بص يا حبيبي هم شوية شعر - [00:13:28](#)

هو انت خياراتك هتاخذها في الحياة. خياراتك ان انت لازم هتتقي ربنا لما تكون طبيب ما تنصبش على الناس. فيه خيارات هتفرضها

على نفسك. فيه خيارات معينة في زوجتك. خيارات في حياتك. انت في خيار - [00:13:39](#)

بتاخذها يعني مش اكر من كده المهم فكان هذا القريب يعني بيكلمني فهو يحاول ينفرنني من اللحية في زاتها يعني فيقول لي ده

فلان عارف فلان ده الملتحي؟ ده عمل وعمل. وفلان وفلان وفلان - [00:13:50](#)

قلت له انا فاكر كده بتلقائية جدا يعني الواحد كان صغير. قلت له طبيب ماشي ما فيش مشكلة انا هلتح ومش هبقى زيهم يعني بص

انا مش ناوي ايه مشكلتك يعني؟ هل مشكلتك في اللحية ولا فيهم - [00:14:06](#)

لا فيهم. قلت له طب خلاص بتكلمني على ايه لان بنفس اللي قلت له بنفس المنطق ما حدش يخش الاسلام لان انت تقدر تجيب له

نماذج من المسلمين ما لهم؟ سيئين جدا. خلاص انا هبقى مسلم بس نمزج زيهم - [00:14:23](#)

بس الامر آآ يعني الامر بسيط مش محتاج الزیطة دي المهم السيد اللي اقصد هفما كنوع من الحيل الدفاعية بطبيعة الحال هيبقى

كل اسهم النقد موجهة ناحية الايه ولزك من المشاكل الكبيرة جدا ان غير الصالحين مش بيصيبوا الصالحين في حالهم - [00:14:39](#)

ما ينساهمش في حالهم يعني الصالحين ببسبوههم في حالهم الصالحين مش بيتصدوا لهم ما بيأزوههمش بالعكس الحمد لله في الجملة

بيعاملوهم بشكل طيب. بس هم مش ساييينهم في ايه؟ في لان الصالحين بالنسبة لهم خطر وجودي - [00:14:56](#)

خطر وجودي الى هذه الدرجة الصالحين خطر وجودي لان هو الصالح ده طول الوقت بينكد عليه. العرب كان عندهم مسل زمان قبل

الاسلام كانوا يقولوا ايه؟ عزرا ودت الزانية ان كل النساء زوان. ليه؟ المسل المصري في الهواء سوا - [00:15:10](#)

فما فيش واحدة هتتك علي الموزف اللي هو الامين في وسط مجموعة من المرتشين هم بيستهنيوتوا انه بيقى مرتشي المرتشي ده

ولزك بشكل عام بشكل عام. البشر لا يحبون المتميزين - [00:15:25](#)

ما هو المتميز بالنسبة له لان المتميز بيعمل فيها ايه هو بيبقى بيحرجه فدايما اكر واحد مكروه في الدفعة الطالب الشاطر اكر واحد

مكروه حرفيا رغم ان هو ممكن اخلاقه كويسة جدا ما بيأزيش حد - [00:15:48](#)

بس هو كل شوية لان هذا الطالب الشاطر هو بيتعاير بيه امه تقول له طب ما فلان اهو اللي معك في الدفعة الواد ظروفه زي الزفت

واللهم بارك عليه فما يقولش بقى ازاكر وابقى زيه يقول امتى يغور من وشي - [00:16:06](#)

زي سيدنا يوسف. الحسد كان حسد ديني طب واعمل لهم ايه اقتلوا يوسف او اطرحوه ارضا ايه؟ يقل لكم وجه ابيكم وتكون من

بعده ايه الشيطان طب ما تخليكم زيه - [00:16:26](#)

لا يمسي منه السلم بشكل عام الناس مش بتحب المتميزين في نفوسهم حرج من المتميزين ولازم المتميزين دول لازم يفتروا عليهم

افتراء معين عشان يبرروا لنفسهم الحرج اللي في صدرهم منه - [00:16:43](#)

انا كنت دايما بحكي له الموقف ده ان احنا في السانوية العامة بعد ما خلصنا السانوية كنا احنا من قرية فكنا مجموعة مع بعض في

السانوية العامة في بعض الزملاء يعني انا الوحيد دخلت طب ساعتها في بعض الزملاء كانوا في كليات مسلا حقوق وتجارة وكده -

[00:17:05](#)

المجموعة دي بالزات دخلوا حقوق هما الايه الحقوق ساعتها هو الطب كان بتاخذ ستة وتسعين في المية وحقوق ساعتها كانت بتاخذ

اتنين وسبعين في المية تمام فالمهم فالزملاء دخلوا يعني فهم تصورهم ان هم كده في حاجة ادنى يعني وان انت في حاجة اعلى

والمهم دماغه دماغهم كده - [00:17:22](#)

فقعدت فترة بتاع ست شهور احنا بنروح نقف نركب العربيات مع بعض على الموقف. ما يتجنّبوني ويسلموا علي مش عارف ايه.

المهم كان لي صديق معهم في الكلية هي بس صاحبي يعني انت - 00:17:39

فبقول له هو فلان وفلان ايه مشكلتي فيه ايه؟ ايه اللي حصل؟ ان زعلتهم في حاجة في حاجة قالوا له لا يا عم شريف من ساعة ما دخل طب واتكبر علينا يا عم وما بقاش مش عارف ايه. فقلت له طب انا اتكبرت عليهم في ايه؟ خليههم يجيبوا لي مسلا موقف اتنين ثلاثة. ده انا ما اتعاملتش معهم من ست شهور - 00:17:51

انت اتكبرت يعني عشان خاطر يبرر لنفسه ان هو بيتعامل معك كده فلانهم يوههم نفسه ان انت انت كبرت. انت هتتكبر والله ما تكبر حاجة تتكبر بص لو ما اتكبرتتش انت اتكبرت - 00:18:08

ما هو انا مش معقولة اللي في صدري ده كده ما انا لازم احط اللي في صدري ده حاجة فالنفس البشرية فيها اللقطة دي فيها لقطة ان انا لازم اطالع حاجة في الايه؟ في الشخص ده حتى لو مش موجودة - 00:18:26

بس عشان ابرر شعوري تجاهه ابر شعوري تجاهه. انت بتتعاملني فلانة دي وحش ليه ما اعرفش كده ائمة كده وشايفة نفسها بتعمل ايه يعني؟ ماشية بمراية كل شوية تقعد تبص على نفسها يعني ايه شايفة نفسها - 00:18:40

والله بس لازم يعمل ايه؟ لازم احنا عشان ابرر هذا الشعور فلانم بيتكر شيء مش موجود اصلا عشان يبرر الشعور ده وده اللي موجود مسلا عند غير الصالحين مع الصالحين - 00:18:58

دايما دايما الصالحين التهمة الجاهزة المعلقة متشددين متزمتين شايفينا كفار هنخش احنا النار بقى وهم الشيوخ اللي هيخشوا الجنة. على ان ده لا يصدر قط من مين من الصلح - 00:19:10

عكس يعني الناس الصالحين عندهم احقاق الحق ورحمة الخلق الناس يعرفون الحق ويرحمون الايه؟ الخلق. ما عندهم مش كده خالص. بالعكس ده خايفين على الناس من النار بيحاولوا يستنقزوهم من النار بياخدوا بايديهم. هم متبعين لمنهج النبي صلى الله عليه وسلم. نقول وانا اخذ بحجزكم عن النار - 00:19:28

وخايفين على الناس اصلا بس لأ هم هو مش مجرد بس كده بتلويح من بعيد بحاجة ايوة آآ بطبعا ما هو فهمتم بقى انتم الناس اللي هم بقى الصالحين داخلين الجنة واحنا بقى اللي داخلين النار في الآخر - 00:19:48

فهما عندهم او صح التعبير عندهم حساسية مفرطة هذه الحساسية المفرطة هم بيحاولوا يبرروا بها ايه؟ اه ابتعادهم او ركنتهم وده من تسويل الشيطان عشان الشيطان يعزلهم عن الصالحين فميدلوش مجال انه ايه ان الصالح ده يؤثر فيه - 00:20:03

لازم يركنوا عن الصالحين اصل انا لأ واصل مش عارف ايه وبقعد معهم صراحة وبحس ان هم كده يعني ما عرفش ويعني مم لدرجة ابعد من كده يعني مسلا كان في مصر مشهور يقول لك ايه يا عم الجماعة السنية دول زي الاسسة - 00:20:24

ما يسلموش الا على بعض ماشي؟ القساوسة يعني ما بيسلموش الا على بعض. يعدي سلام عليكم سلام عليكم. سلم علينا يا عم على ان عادي جدا بيسلم على كل الايه؟ على كل الناس بس هو مش مركز الا في دي. تمام - 00:20:39

فالشاهد ان بشكل عام المصلحين هم متعرضين للتطيف طول الوقت متعرضين للتدخين طول الوقت بيؤذوا بالتطيف وهذا الايذاء بيتطور بصور كثيرة وعشان كده قلنا الصورة بتعمل تلطيف ماشي؟ لاثر هذا التطيف اللي بيتعرض له الايه؟ الناس الصالحين - 00:20:55

يبقى الصالح بطبيعته هيطفف. فاذا قام مقام اصلاح هيحصل له ايه؟ ده انت جبته لنفسك بقى ده احنا كنا بنطفف معك قيراط! احنا هنطفي في اربعة وعشرين قيراط انت جبته لنفسك - 00:21:20

فلذلك المصلحين هم اكثر من يتعرض لهذه الحالة من الايه من التطبيق. طيب دي كانت قراءة القراءة الثانية بقى وهي قراءة مهمة قراءة القراءة الصلاحية اللي هو ماذا اذا كنت انا مطففا - 00:21:33

انا هذا المطفف بقى على نحو اللي احنا زكرناه امبارح في علم نفس التطفيف او سيكولوجيا التطفيف لو صح التعبير ما لو ما عملنا غوص في اعماق نفس ذاك للمطفف - 00:21:47

فمممكن واحد يكتشف ان هو يتوفى بل اني اكاد اجزم انه لا يخلو احد منا من تطفيه لان دي يعني هي يعني نمط ممكن يكون موجود

في زمان دون زمان موجود في مكان دون مكان في ميدان دون ميدان مع انسان دون انسان - 00:22:00

ممکن يحصل في ولذلك دي بقى القراءة المهمة جدا وهي وهي قراءة الشفاء من التطفيف تصريف التطفيف زي ما قلنا امبارح ازاي انا اصرف هذا التطفيف؟ خلاص؟ او الشفاء من التطفيف - 00:22:17

طبيب وليه بقول الشفاء؟ لان آآ القرآن لا علاج ولا دواء القرآن لا علاج ولا ايه؟ ولا دواء. القرآن شفاء العلاج قد يشفي وقد لا يشفي والدواء قد يشفي او لا يشفي. لكن القرآن يشفي - 00:22:34

والقرآن شفاء لما في الصدور الجو بقى بتاع الجو بتاع مش عارف كل هذا الهري القرآن شفاء لما في الصدور اللي بتاخذ ادوية اكتئاب واللي مش عارف مش عارف بتقول لك انا مش عارف ايه وشخصيتي ما لها مش عارف ايه والجو ده كله. القرآن شفاء لما في الصدور - 00:22:51

القرآن بيزهب لابتعد نقطة ممكنة في الانسان يشفي قلبه بل يحيي قلبه لذلك احنا كنا قلنا في الخفاء في خصائص القرآن قلنا القرآن فيه فيه فيه الاهتداء وفيه الشفاء وفيه الاحياء - 00:23:17

الاهتداء ده بيعرف الانسان الاهتداء العلمي والعملي والشفاء هو بيعالج الاشكال اللي عنده. في الاحياء بيعثوا من موته ابعثوا من موتى على نحو ما قال ربي سبحانه وبحمده فازا انزلنا عليها الماء - 00:23:41

اهتزت وربت وانبتت من كل زوج بهيج فالهمم الشاهد ده ده في الخصائص الشفائية للقرآن الكريم فهنا لو ماذا اذا كان الواحد فينا مريض بالتطفيف والحقيقة ليه بقول مريض؟ لان التطفيف مرض - 00:23:58

والناس بتاع الناس بتوع او بتوع الاضطرابات النفسية لو انصفوا لوضعوه في الدي اس المفاييف اللي هو الدليل تشخيص الاحصائي الاكبر للأمراض النفسية في العالم ده عندنا في لو انصفوا لوضعوه فيها - 00:24:23

لان الحقيقة هذا التطفيف واحنا انا باكدت امبارح ما بنتكلمش عن التطفيف العابر او العارض ما بنتكلمش عن واحد طفى في مرة ولا مرتين. بنتكلم على خلق اصبحت هيئة ملازمة لنفسه تصدر عنه بلا تكلف كالخلقة فيه - 00:24:45

فخلاص اوتوماتيك كده اوتوماتيك زي ما بيحرك ايده كده خلاص اول ما ييجي التصرف بيطفف التطفيف عنده اوتوماتيك يفعله عفو الخاطر فهذا المريض بالتطفيف محتاج آآ محتاج هذه الثلاثية محتاج اهتداء - 00:24:59

محتاج شفاء ومحتاج احياء لاهتداء علمي وعلمي ده علمه ايه؟ وعمله ان هو يهتدي علما اللي هو معرفة واياه؟ ورشادا وبعدين يهتدي عملا توفيقا وسدادا واستقامة وثباتا فدي اول لقطة انه محتاج الاهتداء. علشان كده كتير من الناس اللي ما بتفهمش ازاي القرآن بيشفي - 00:25:18

يشفي ازاي بقى يشفي ازاي؟ لان لازم نمر الاول من ايه؟ من قنطرة الاهتداء طيب عشان اوضح لكم المسألة اتكلمت قبل كده مرارا وتكرارا عما يسمونه او السي بي تي العلاج المعرفي السلوكي - 00:25:43

ما هو الخط الاشهر والاكبر على الاطلاق في علاج الاضطرابات النفسية في العالم باجماع باجماع هذا هو الخط الاشهر طيب او العلاج المعرفي السلوكي ده بالعربي هو عبارة عن ايه - 00:26:00

جلسات بيعملوا ايه في الجلسات دي بيتكلموا بيتكلموا في ايه يحاولوا يعرفوه طبيعة المشكلة اللي عنده ومش عارف ايه واياه اللي بيحصل فيها والخطط العلاجية ومش عارف ايه وهم مركزين على نقطة مهمة جدا جدا جدا - 00:26:18

هم شافوا شافوا ان هذا الشخص معزم الناس اللي عندهم اضطرابات نفسية عندهم حاجة اسمها آآ هي هي معتقدات خاطئة سابتة معتقدات خاطئة ايه؟ سابتة. زي مسلا الشخص اللي عنده اسي دي او عنده اللي هو اللي ببسموه الوسواس القهري بالعربي -

00:26:34

هو عنده معتقد خاطئ ان ايده دي ما هينفعش الميكروبات اللي تروح عليها بغسلتين. لازم تتغسل خمسين مرة فهو عنده خاطئ سابت عنده معتقدات خاطئة سابتة الناس اللي عندهم متلازمة الاضطهاد - 00:26:57

هو عنده معتقد خاطئ سابت ان هو كل اللي حوالياه بيضطهدوه كل اللي حوالياه حاطينه في راسه وكل اللي حوالياه كزا نزحزحه

يمين نرحله شمال مش بيتزحزح الشخص اللي عنده اكتئاب - 00:27:18

عنده معتقد سابت خاطئ ان هو الدنيا ما لهاش اي لازمة وكله محصل بعضه وذاكرت زي ما زاكرتش واشتغلت زي ما اشتغلتش وكله في نجيبه يمين نجيبه شمال هذا الاعتقاد مش بيتحرك - 00:27:35

فالناس في السي بي تي بيعملوا ايه؟ او في الجنوبي العلاج المعرفي السلوكي بيحاولوا يعملوا ايه؟ حاولوا يزحزحوا هذه الايه المعتقدات السابطة الخاطئة بس بقدراتهم البشرية قدراتهم الايه؟ البشرية. محاولات للزحزحة. وسيلتهم في الزحزحة دي ايه -

00:27:52

كلام قدرتهم على ان هم يكلموه يقنعوه يحاولوا يغيروا فيه ببساطة شديدة يا جماعة الخير ليس اوقع في النفوس من النصوص اقعد انت مسلا واحد عنده الناس اللي عندها الفوبيات او عندهم الرهابات مسلا - 00:28:14

واحد مسلا بيخاف من المرتفعات بيخاف مش عارف من الصراصير المهم يخاف من اي هري من هري ده طيب هذا الشخص اللي عنده هذا الخوف المرضي انت عايز تطمئه فتهطمئه تقول له ايه - 00:28:37

فتقول له على فكرة عادي وانت ممكن تطالع فوق وما يحصلكش حاجة ناس كتيرة طلعت فوق وما حصلهاش حاجة واهري لبكرة وقل له وتاني قل له تالت وقل له رابع قل له خامس قل له عاشر - 00:28:51

هذا الشخص بقى هاته كده وقل له بص بص ربنا قال قل لن يصيبنا الا ما كتب الله لنا واعلم ان النبي قال واعلم ان ما اصابك لم يكن ليخطأ وانما اخطأت لم يكن ليصيب. ربح راسك - 00:29:05

انت الاسراف في الخوف ما هيفتش. اللي هيفيد تاخذ بالاسباب بس الخوف ما هي ايه ما يفيدش في اي حاجة انت خايف تموت عشان هتركب عربية هتموت وانت ماشي في الطريق - 00:29:24

قل لو كنتم في بيوتكم لبرز الذين كتب عليهم القتل الى ايه؟ قالوا لهم لو كانوا عندنا ما ماتوا وما ايه؟ وما قتل يا باشا انت في سريرك وبتقتل - 00:29:38

اه طب مش السيناريو بتقتل فهذا الشخص بقى انت عشان تغير معتقداته انهو اقوى في تغيير معتقداته؟ نصوص ولزلك الامة دخلت نفق مظلم لما تصوروا ان الشفاء بالقرآن انك تعمل ايه؟ هات الواد واقعد اقرا عليه. وهات عصاية واضرب فيه - 00:29:52

استهبال القرآن يشفي بمعانيه يشفي بالحقائق والهدايات اللي فيه ان هو ازاى هيعمل هذا التحول في نفس الايه؟ الانسان بل ابعد من كده حتى على المستوى العضوي على المستوى العضوي - 00:30:14

من العجيبه ان القرآن هو اصلا خطاب خطاب تفسيرى يعني خطاب بيعت التفاؤل في النفس. بيعت فيها الامل. بيعت فيها البشرى اصلا مش زي ما احنا يعني للاسف اعتدنا ان القرآن بتاع الاحزاب. القرآن بتاع الايه؟ بتاع الاحزاء. واحد عايز يعيط يقرأ قرآن -

00:30:32

واحد مكتتب يعني عايز يكتتب اكثر يقرأ قرآن القرآن بطبيعته هو خطاب تفسيرى بشرى بشرى بشرى من اكثر ما وصي به القرآن انه بشرى بشرى للمسلمين في اية وبشرى للمؤمنين في اية وبشرى للمحسنين - 00:30:53

فهو بشرى. القرآن بشرى اصلا. فيه بشارات تبعت التفاؤل في النفس اصلا وتجهز عن الاحباط فهذا الانسان لما يقوم حتى لو مريض عضوية وان يعني احنا انا ازعم يعني ان الناس لما تبقى عندها مشاكل عضوية وانا اقول الكلام ده واعيه انا طبيب واعيه -

00:31:08

هم مشاكله من نفسية اكثر من مشاكله العضوية انا كنت الكلام ده بقوله مسلا نصا في كورونا كنت بقول تسعين في المية من اللي ماتوا في كورونا ما ماتوش من كورونا - 00:31:30

هم ماتوا من الوهم ان الكورونا بتموت بس الوهم يقتل فهذا الشخص اللي هو عضويا في هذه الحالة السيئة اذا بعث في نفسه نفس جديد لا يكاد يشعر بجسد فيه دلوقتي او فيه طب كده هم بيسموه الفسيولوجي كال ميديسن. الطب ده جاي جامد جدا. او بيسموه

احيانا الطب الازيفي. الطب ده جاي جامد - 00:31:42

جدا واحتمال كبير في السنوات القادمة هيبقى هو اللي له اليد الطولى بس اذا تم التحرر اذا تم التحرر من لوبي الطب التقليدي لان هو مربوط بمصالح سياسية واقتصادية الطب التقليدي ده. المهم اذا تم التحرر منه هيجي جامد جدا الابه؟ اللي هو الوزيفي ده او الفسيولوجيال ميديسن - [00:32:10](#)

هيجي ليه بقى؟ هو ايه النظرية اللي قام عليها الطب ده كله؟ النظرية اللي قام عليها ان الله خلق الجسد متوازن فمعنى انه مرض ان حصل خلل في هذا الابه؟ التوازن - [00:32:31](#)

احنا دورنا نصلح التوازن الطبيعى ولا يكادون يفكرون في هذا الاشكال الذي حصل ايه ده مش هو ده اللي بيعمله الدكاترة؟ لا هو بيشتغل على منطقة ماشي؟ على منطقة ان مسلا احنا عندنا الصوديوم في جسمنا المفروض له نسبة معينة - [00:32:44](#) وله نسبة مع البوتاسيوم. وهم الاتنين مع بعض عندهم ريشو عندهم نسبة مع بعض وفي نسبة يوريا ونسبة كرياتينين في نسب ما في حاجات مسلا من النوع ده في نسبة زنك وفي نسبة نحاس في نسب موجودة - [00:33:04](#) آآ في الغالب في الامراض بيحصل خلل في هذه النسا هو شغلانته كلها انه يحاول يعيد النسب دي لحالات الابه؟ الطبيعى. دي المرحلة الاولى هو بيشتغل على الحاجات اللي بتؤثر في المناعة - [00:33:18](#)

لانه بيعول على ان المناعة قادرة انها تشيل اي اشكال هذا الكلام ليس ببعيد يعني الجو بتاع السرطان ما بيتعالجش وازا ما بيتعالجش والجو ده الكلام ده مش صحيح. احنا عندنا النص الشرعي بيقول ما خلق الله داء الا وخلق له دواء - [00:33:33](#) الا الهرم وفي رواية الا السام يا اما الشيخوخة او الموت وقال كلمة جميلة النبي صلى الله عليه وسلم قال علمه من علمه وجهله من جهله في حد علمه وفي حد ما ايه؟ معه. انما هو موجود. كايين كايين وستين كايين. موجود - [00:33:50](#) بس كل القصة مين يعلمه فهي اللقطة هنا ان هم بيحاولوا بيعولوا على ان المناعة تعود. فاذا عادت المناعة هي تحل كل حاجة حتى لو سرطان هي تحل الاشكال ده - [00:34:10](#)

واشتغلوا واشتغلوا في يعني سنعود طويلة وعمل نتايج مبهرة في حالات هوبلس هم في الغالب بيشتغلوا على الحاجات الهوبليس يعني المهم لان حقيقة برضه لما نمشي ابعد من كده في الحقيقة بالنسبة لنا احنا في الطب احنا الادوية مش هي اللي بتعالج - [00:34:23](#)

فالمضاد الحيوي اللي بنديه مسلا للاطفال عندنا بيعالج ولا الكلام ده. الحاجات دي ما بتعالجش بكل ما هنالك ان احنا بنشغل الميكروب شوية بنحاول نعمل مش عارف معه ايه. بس في الحقيقة اللي المعول عليه في العلاج هي مناعته - [00:34:41](#) لو عنده مسلا اشكال في مناعته واحنا قعدنا من هنا للسنة الجاية ندي له في ادوية مش هتفيده في حاجة ولا تفرق معه في اي حاجة في الدنيا المهم هذه المناعة اية من ايات الله سبحانه وبحمده - [00:34:56](#) في في في خلق الانسان انا ليه دخلت في القصة دي؟ انت عمال تصدع دماغى بتفاصيلي؟ لا لا عشان بس نفهم اللي جاية دي نفهم اثر القرآن في مناعة الانسان - [00:35:07](#)

وانا اتمنى ان الزملا اللي اللي بتوع الايمينولوجي بالزات يعني اتشجعوا بقى يشتغلوا على اللقطة دي على فكرة الاثر القرآني في الابه؟ في اثر القرآن في البيوتيوب هيعمل ايه في الاميولوتي؟ هيعمل ايه في حاجة اسمها المناعة - [00:35:20](#) آآ ان القرآن له دور عجيب! عجيب! في تقوية مناعة الانسان وده هيبقى اللي احنا بنسميه في الطب الميكانيزم بنسميه الميكانيزم اللي احنا بنسميه الالية او الميكانيكية كيف يحصل الشيء. وعشان بس اوضح المسألة - [00:35:38](#) حكيت انا من قبل كده القصة دي بس هي هتفيد في الجزء اللي احنا بنتكلم فيه دلوقتي وانا في المحاضرات بتاعة الدكتوراه كان عندنا دكتورة اللي بتشرح لنا في الاضطرابات النفسية - [00:36:05](#)

فهي كانت اه بتتكلم على على الولاد اللي في الحضانات. الولاد اللي هم بيبقوا عندنا في سؤال مبتسرين اه او عندهم مشاكل حديث ولادة عندهم مشاكل يعني الحضانات بتشتغل مع حديث الولادة بشكل اساسي اول شهر من العمر - [00:36:18](#) فده انا كنت تخصصي الدقيق فهي كانت بتتكلم عن عن الابه الولاد في في الحضانة فكانت بتقول ان احنا لاحزنا يعني بقى ابحاس

ودراسات ان الولاد دول لو هم آآ اتعرضوا في الوسط المحيط لهم. لصوت - 00:36:32

هم بيسموه الموسيقى الطبيعية يعني ايه زي صوت مسلا عاصفير اه صوت مش عارف في هواء خفيف كده فلاحزوا ان الولاد دول لما بيتعرضوا لهزه مع مع ودي حاجة مهمة جدا - 00:36:51

مع ان هم يقفلوا النور في الحضانة لدرجة ان الحضانات برة احنا مسلا عندنا يبقى النور منور والدنيا خربانة وفي فرح العمدة الحضانة. لآ هو بيقوا طافيين الحضانة وبيجي يفحص الحالة بيحط عليها مسلا زي لمبة كده يشوفها يفحصها ويقفل ويفحصها ويقفل وهو ماشي - 00:37:08

المهم لو لاحزوا مع هذا الايه مع مع ان هم يضلوا الحضانة ويعملوا صوت اشبه الايه لاحزوا ان الولاد دول بيتعافوا بسرعة هم مش عارفين سبب بس بيتعافوا بسرعة هي جت كده اكسيدنتل ما كانوش قصدنا - 00:37:28

لما قعدوا يبحثوا في المسألة ليه بيتعافوا بسرعة لقوا ان هزه الاجواء هزه الاجواء اشبه بالاجواء الرحمية فبتشعرهم كما لو كانوا على مقربة من الام يبحث ان هو قريب من امه - 00:37:45

فمنعت تتحسن جدا لدرجة مسلا ان احنا كنا بنوصي مسلا نساء اول ما اتولد على طول بيبقى فيه حاجة اسمها البوندينج ان مسلا دلوقتي لان بيحصل الهبل اللي بيحصل ده ان واحدة تولد واحد يقول لك حطه على السرير انا احطه مش عارف ايه. الولد المفروض يتربط فيها اصلا - 00:38:06

بس من خارج جسمها يبقى في جسمها على طول ما يخرجش ما يبعدش عنها ابدأ في جسمها يعني في جسمها حتى بلا وسائط البوندينج ده بيفرق جدا في الولد - 00:38:22

بيجوا يرضعوه مش راضي يرضع يجوا مش عارف ايه وعمال يعيط طول الوقت جربوا البوندينج كده هتلاقيه بعد شوية ايه بيرضع وساكن وهادي وطعمه زي الفل لان في حاجة اصلا الانسان مولود بها اسمها السباريشة الفوبيا - 00:38:34

فوبيا فوبيا الانفصال وكنا شرحناها لما اتكلمنا عن اية لقد خلقنا الانسان من ايه؟ من علق. آآ اقرأ خلق انسان من علق. عذر من علق الانسان اصلا في تركيبه عالق - 00:38:48

طول الوقت عالق فهو فلذلك من اكبر المشاكل اللي عنده فوبيا فكرة فوبيا الفقد نفقد حد بيبه حد عليه حد كذا فعنده عنده هوس بهزه المسألة فالولد اصلا مولود - 00:39:04

هو يبحث بالامان ولذلك حتى كتير جدا في اول ست شهور كنت بقول ايه؟ الامهات يبحثوا ان الولاد دول كانهم بيتعمدوا يعزبوههم يقول لك الواد انا انا يصح ويفضل يعيط يعيط يعيط يعيط - 00:39:21

اصح ينام ويهدى ويبقى زي الفل. انت يا ابني مستقصدي لان هو لما هي صاحبة حاسس بالامان انه سامع صوتها اول ما يحس انه مش سامع صوتها يقلق ويصحى يقلق ما نمى - 00:39:38

ولذلك بقى هتسجل له والله والله بجد مش آآ انا مرة عملتها مع حال. قلت لها اي اي رغي كده وانت بترغي مع امك ولا حاجة سجلي وخليه شغال كده ولما تيجي تنام - 00:39:52

والله بجد ان هو فعلا فارق معنا وسامع ايه هو عارف صوتها بقى عارف دقات قلبها يعرف يفرق دقة قلب امه عن دقة قلب حد ثاني يعني عارف عارف صوتها هو هو مخلوق مهدي لهذا - 00:40:07

دي اللي هي الهداية الايه؟ العامة ربنا الذي اعطى كل شيء خلقه ثم ايه؟ هدى هو طالع هو حد علامه يرضع ازاى؟ انا قلت قبل كده الولد بيرضع رضاعة احترافية جدا - 00:40:23

احترافية بيضغط بشكل معين عشان يدخلوا اللبن بكمية معينة فيبرضع بشكل احترافي غير عادي. مين اللي علمه الكلام ده؟ ما هو مش ما حدش علمه الكلام ده المهم حالة السبيبريشن فوبيا دي - 00:40:36

هو لقوا ان الولد لما بتحسن انت بتحاول تتلاسى فوبيا. ايه اللي حاصل لما انت بتحط له في الحضانة بتظلمها له اشبه بايه؟ بالحياة الرحمية طيب ولما تعمل له الصوت اللي هو ده دي الاصوات الطبيعية اللي معتاد يسمعها - 00:40:51

الا بقى لو امه مسلا شكله كانت بتتخانى فمممكن يسجلوا له خناقات امه برضه تمشي يعني المهم يعرف ان دي ماما وخلاص تمام المهم يعني فهو في صوت هو الاصوات دي بالنسبة له اصوات مألوفة - [00:41:08](#)

تمام؟ اه سبحان الله احنا كان حصل عندنا في الحضانة حاجة كده احنا ما عملناش قاصدين بس احنا اول ما بدأنا الحضانة قلنا ايه احنا هنحط في اركان الحضانة سماعات صغيرة بصوت خفيف لطيف وتشغل القرآن طول الوقت - [00:41:20](#)

اربعة وعشرين ساعة القرآن شغال. واخترنا ساعتها الشيخ الحصري رحمه الله تحديدا لان هو زي ما قلت ما عندوش نتوءات صوتية يعني هو ده يتعلم منه كيف يكون النطق فهو بطبيعته ما عندوش النتوءات الايه؟ قرايته كلها على ايه؟ على وتيرة واحدة - [00:41:37](#)

فحطينا اللي كنا بنحط السماء. بعدين كده بنلازح حاجة عجيبة جدا الولد يبجي مسلا محتاج يتحط على جهاز تنفس صناعي يقعد عندنا ساعتين بنجهزه جهاز التنفس نلاقي تنفسه سليم وزى الفل ويتحط على الاكسجين عادي. الله - [00:41:55](#)

سحر بقى لدرجة بدأ يشتهر بين الزملا دي الحضانة بتاع الشيوخ والله اللي عنده حالة قارفاه يبجي باعتها له. يعني بقت بشكل مضطرب يعني بشكل اه مسلا يعني احنا بنخرج حالات كتير بسرعة - [00:42:11](#)

ما بيطولوش عندنا وخصوصا الحالات اللي هي يعني مشكلتكال قوي يعني كأن فيها لون من الوعي لسة الولد واعى يعني مش ما ما راحش قوي ان هو حالة حرجة يعني - [00:42:30](#)

هم هم الدكتور دي قالت كده فانا قلت لها يا دكتورة معلش احنا بنعمل حاجة بقى بس ممكن تكون قريبة من انت عندك تفسيرك وانا هشوف التفسير ناحيتي بقى الثاني - [00:42:43](#)

ان الولد كمان هم شافوا ان اللي بيفرق معه جدا فطلع بيفرق معه اكثر الكلام كلام وفي الغالب انت في بيئة مسلمة والولاد دول اكثر صوت كانوا بيسمعوه ويبحسوا معه بالسكون - [00:42:55](#)

هو القرآن ودايما القرآن لما بيشغل الناس بيحصل لها ايه وتسكت لازم تبقى ساكنة وهادئة فبيعلى صوت القرآن فهو في بطن امه يسمع القرآن فالصوت ده مربوط عنده بالايه بالسكينة والهدوء والاطمئنان - [00:43:13](#)

مش مربوط بقى فيه خناقة بعركة لا سيما لو كان الصوت ده زي ما قلنا فيه هذا الاداء. فاولا الكلام بالنسبة له الكلام اصلا الكلام مألوف الكلام بشكل عام وكمان الكلام ده لما يبقى القرآن فالقرآن ده كلام ايه؟ مألوف عنده - [00:43:33](#)

والاجواء اللي بيتقرا فيها القرآن مألوفة عنه في لحظات في ساعات بيحس بالاطمئنان والهدوء يعني احنا برضو من الحاجات العجيبة ان الحضانات دي دايما العيال بتبقى فيها بتايه بتعيط كده ما نخلصش - [00:43:50](#)

احنا ما كنش عندنا النسبة دي عالية احنا ما كناش بنسمع فكرة العيال بتعيط كتير في الحضانة وده هتلاحزوه لو كانت ام مسلا في فترة الحمل بتسمع قرآن كتير يعني حنة فكرة ايوه امه كانت بتسمع القرآن فحفظ القرآن ايوا الكلام ده حقيقي - [00:44:08](#)

بس مش هيحفظه من الاخر مش هو ده اللي هيحفظه القرآن يعني بس هيخليه فاميليار بالايه؟ بالنسبة له فكرة ان امه بتسمع قرآن كتير وكانت مش عارف ايه. الولد ده لما بيخرج بينام على القرآن - [00:44:27](#)

اما القرآن بيشغل في البيت بايه؟ بيهدأ بس يبقى بالحالة دي مش القرآن اللي شغال اللي شغال ايه؟ بيشغل كده في شوية. اللي هو يكون بيتردد في اركان البيت فالصوت عنده فمليار مهواش غريب ولزلك الكلام ده كان تلاقيه مسلا مشهور اكثر في الارياف - [00:44:41](#)

ازاعة القرآن شغالة ليل ونهار وحتى احنا كنا يعني اصلا معزم الشيوخ المصريين انا مربوطين في ذهني بالشارع انت بتصلي الفجر وطالع كل الناس تروح حاطط السماعه كان في ناس حاطين سماعة قدام البيت كده وتسمع ايه المشايخ المصريين في ازاعة القرآن شغالين طول الوقت - [00:45:00](#)

المهم الشاهد انا عايز اقول ايه؟ ان هو هنا اه كل الكلام ده بس او هذا الرغي انا بحاول اجيبه في حالة قصصية عشان نحاول نفهم ان ايه الغريبة ان القرآن يشفي - [00:45:17](#)

واضح؟ التفسيرات مش هتنتهي تفسيرات كتيرة بس مش غريبة ان القرآن ايه؟ يشفي مش لازم الشفاء ده ان هو يخش يروح على
البتاع ده يعمل له مشكلة. مش لازم يخش يشتغل كمضاد حيوي. لا - [00:45:30](#)

في اوقات لا بيشتغل في مناطق معينة المناطق دي ممكن هي مش متشافة بصورة انا باخرى. ده عضويا بايه اللي هو ابعد مين اقرب
من العضو بقى نفس اقرب بكتير - [00:45:43](#)

لان علاجي النفسي كله كلاء الدكاترة حتى لما بيروحوا في نقول عليه او في العلاج الدوائي والعلاج النفسي فهما دايمًا حتى اللي يعني
بيتقوا ربنا ما بيستعملوش الدواء الا عشان يساعدهم ان هم يعملوا العلاج النفسي - [00:45:58](#)

يعني العيان مسلا ولا مسلا فيه مشكلة يعملوا فيه ايه يهدوه بالدوا مسلا يهدى كده يهدم شوية عشان نعرف نكمل معه انما مش العلاج
الدوائي مش علاج اصلا. ليس علاجا البتة - [00:46:24](#)

واحد عنده اكتئاب بيدي له حاجات مش عارف بيزود الدوبامين شوية ومش عارف ايه عشان يعرفوا ايه. يعرفوا يتكلموا معه. مش
اكثر من كده. انما ان هو نفسه بيعتبره هذا علاج او هذا الدواء طبعا مش دواء. لا - [00:46:38](#)

ممكن يكونوا دواء المهم فالقرآن في هذه الخصائص الشفائية اللي بتبدأ بالاهتداء فهمنا بقى ليه ليه قلت التفاصيل دي كلها ان انا اذا
فهمت الخطاب القرآني فهمته كويس وصلتي المعلومات اللي فيه - [00:46:48](#)

الطريقة اللي ربنا بيكلمني بها عن المشكلة ده في حد ذاته بيعمل الانسان اهتداء علمي ويعمل له اهتداء قلبي وبيهيأوا للاهتداء العملي
فاذا حصل هذا الاهتداء بيحي وراها الايه الشفاء - [00:47:11](#)

ويحي من ورا الشفاء الاحياء يستحيل خلقا اخر كأنه بقى واحد تاني وكل الكلام ده طبعا احنا مش بنخترعه يعني النصوص واضحة
في هذا الكلام. النصوص واضحة في هذا الكلام. اكثر وصف - [00:47:31](#)

وصف به القرآن انه هدى ان هدى الاهتداء يعني واحيانا كده يبقى ايه في في يعني ايه سباق ما بين الهدى والذكر ان هدى او انه زكر
وحتى وصوا بانه زكر في نفس النسق اللي احنا بنتكلم فيه - [00:47:46](#)

لان انسان تذكر يعني هو كان بيعمل ايه ميسي هوصل لكم المسألة. النهاردة واحد مسلا هو اللهم بارك طول حياته ناجح وماشي
كويس وتعام زي الفل حصلت له ازمة كبيرة مسلا في شغله او ازمة كبيرة في حياته فايه - [00:48:04](#)

فمني بفشل او باخفاق وجت وراه ازمة تاني وازمة تالته انت لما بتحب تخرجه من الموضوع ده تعمل فيه ايه بس يتذكروا بنجاحاته
السابقة كله عادي على فكرة طب ما انت في الموقف الفلاني كان كذا وعملت كذا. وكان كذا وعملت كذا. وطبيعي ان هو الانسان دايمًا
لما بيبقى في ازمة لا يرى الا الازمة - [00:48:20](#)

مش عارف يخرج من سيطرتها فكل اللي بتعمله انك بتذكره بايه بتذكره بنجاحاته السابقة او بتذكره بحقائق سابتة ان عادي على
فكرة الانسان بطبيعة الحال بيحصل له ايه؟ بيقع يقع يقع وكل الوقعات دي بين يدي الايه؟ ان هو يقوم ما يقعش - [00:48:45](#)

يا اما انت بتذكره بنجاحاته هو او بتذكره بحقائق ايه كبرى لان في لحزة الاشكال الانسان بيسيطر عليه النسيان. ولذلك دي حاجة
مهمة في الخصائص الشفائية للقرآن وهي التذكير بيعمل ايه في الانسان؟ يذكره - [00:49:03](#)

هو الانسان ده مسلا مقصر جدا وبعيد عن ربنا ومش عارف ايه وحاسس ان حياته ملخبطة وعمال كده بسبب الذنوب وتقصيره
وحاسس ان ربنا ما هيقلش حد زيه ابدأ. ولا ربنا سبحانه وبحمده هيسمح له - [00:49:20](#)

فمسلا يسمع قل يا عبادي الذين اسرفوا على انفسهم لا تقنطوا من ايه رحمة الله ان الله يغفر الذنوب جميعا. انه هو الغفور الرحيم فاذا
ذكر المرء بذلك تلاقيه بدأ يعمل ايه؟ يسترد ايه - [00:49:35](#)

عافيته ويتفائل ويستبشر تحس لقي ان في امل وان انا اقدر اخرج من هذه الكبوة في حالة فالاهتداء ده الاهتداء احيانا من صوره
التذكير منصور الايه؟ التذكير كيف اهتدى الانسان ده بانه تذكر - [00:49:51](#)

تذكر كان في معنى غايب لان التذكر او الذكر هو حضور المذكور في القلب على الوجه اللائق به ان المذكور ده ما كانش يعني ما ايه يا
اما غاب كليًا يا اما غاب ايه؟ جزئيا - [00:50:11](#)

ممکن یبقی حاضر بس مش علی الوجه اللائق به. حضور ما بیؤثرش المهم الشاهد یعنی الخلاصة دي لقطة الناس ما بتفهمهاش من این یبدأ یبدأ الشفاء القرآنی من الاهتداء وكل ما نجحنا ان احنا ندير عملية الاهتداء - [00:50:27](#)

احنا كده قصرنا الطريق علی الشفاء ولزك تعرفوا لیه الامة مليانة بلاوي ومليانة مشاكل ومليانة هم ومليانة غم لان في الحقيقة احنا اصلا عندنا ازمة من معاني القرآن اصلا كل مجهوداتنا مسخرة لمبانيه والالفاهه ومش عارف ايه واحنا بنؤمن معانيه - [00:50:50](#)

فكيف لنا ان نهتدي به؟ او كيف لنا ان نشفی به انما تصوروا لو المنهاج هو الایه طول الوقت فهم معاني القرآن تدبرها العمل بها. اللي هو كده طول الوقت - [00:51:10](#)

الانسان هیبقی عنده من الوقایة الخلیصی مش هیعرف المشاكل بل هیبقی عنده ان هو لما تحصل مشكلة المشكلة دي بیحصل لها ایه بتتحل اوتوماتیک دون ان یشعر لا سیما لا سیما - [00:51:24](#)

والمسلم المسلم المفروض ان علاقته بالقرآن علاقته بالغذاء مش بالدواء علاقته بالغذاء مش بالایه؟ مش بالدواء. ایه الفرق ده هو ده في حالة لما یمرض ولا ایه؟ انما الغذاء ده حاجة ایه؟ یومیة اوراد. مم - [00:51:40](#)

ولزك فكرته ده من اكبر الازمات المسلم ما یكونش عنده ورد ورد متعلق بمعاني القرآن انه یمرر معاني القرآن علی قلبه كل یوم فیکون علاقته بالقرآن علاقته بالغذاء مش بالایه؟ مش بالدواء - [00:52:02](#)

انما احنا امتی بنروح للقرآن یعنی اللي احنا بنعمله ده ده كله ده ده غلط مية في المية بس احنا مضطرين له الایة اللي بتحل المشكلة الفلانیة الایة الاصل ان المسلم اصلا لو كده كده مرتبط بقرآن غذائیا - [00:52:19](#)

غذاء قلبه بقى غذاء روحه مرتبط به غذائیا فهو مش هیعرف الاشكال ده اصلا خلاص مش رغبی فاذا حصل اشكال برضه هداه اللي هینفع معه اه لان اصلا اصلا الاغذية ادوية - [00:52:36](#)

لكن الادوية مش اغذية الاغذية بطبیعتها ایه؟ ادوية انما الادوية مش اغذية مین اللي یغني عن مین؟ الغذاء یغني عن الایه؟ الدواء. عن الدواء. بس الدواء ما یغنيش عن الغذاء - [00:52:52](#)

فالناس ما بتفهمش اللقطة دي. المسلمین حتی علاقته بمعاني القرآن علاقة دوائیة مش علاقة ایه غذائیة ان هو دلوقتی انا لما یحصل مشكلة نشوف القرآن. احنا مش عارفين اننا نقرا قرآن - [00:53:06](#)

انما اذا كانت المسلم علاقته بالقرآن علاقة غذائیة خلاص مش في اشكال اصلا ان عنده ورده بس مش اهو تانی مش ورد القراءة بلا فهم انا خلاص حتی فاهم الصفحة دي مش لازم اقراهم تفسیر تانی. مجرد اني بقرأها انا بعمل ایه في المعاني دي؟ بجدد المعاني علی قلبي تانی خلاص زي الفل - [00:53:20](#)

فما یبقاش فيه اي مجال. وان طراً شیء وان كان عنده امراض وان كان عنده وان كان عنده لا یکاد یشعر بهذا الشیء. وده برضه اصلا انا كنت بقول اصلا اصلا في ده اتجاه تانی في الطب بدأ ینمو بشكل رهیب اللي - [00:53:42](#)

بیسموه اللي هو قائم علی فكرة ان انت ایه البني ادم ده تضبطه غذائیة یبقی فيه غذاء متوازن فاذا كان في غذاء وده مسلاً احنا مسلاً عندنا في طب الاطفال بنأكد علیہ جدا جدا من بدري - [00:53:55](#)

بالنسبة للام الولد لو بیتغزی بشكل متوازن مش هیمرض لا یکاد یمرض وان مرض المرض ده یبقی حاجة ایه؟ تیجی كده وما بتطولش ما بقاش زي الناس الباقیة بس هی فكرة الدایت او الغذاء الایه؟ المتوازن - [00:54:09](#)

لان هو عادي هو ممکن هیاكل حاجات وممكن یشرب حاجات وفي الاخر ما ایه زي مسلاً مشهور عند الناس بتوع الاعشاب والكلام ده او عند الزملا بتوع الصيدلة ان یقول لك الحاجات العشبیة معظمها - [00:54:26](#)

ما بیغلوهاش زي الشاي الکشري كده. تمام فما بتتغلیش فهو عمال یاخذ اعشاب بس بیغلیها ده فاهم؟ فهو هنا هی نفس القصة هو ایه ممکن یکون عنده صلة بالقرآن بس الصلة دي ایه - [00:54:36](#)

الصلة غلط هو عنده صلة بمبانيه صلة بالفاظه ممکن یکون كل الالفاز في صدره بس هو للاسف الشدید یعنی یعنی المهم الحتة دي مهمة بین یدی ان احنا بس نفهم - [00:54:51](#)

انا انا ببقى دايمًا بحب اتكلم في المسألة دي عشان اقول اه حاجتين. الاولى ما فيش حاجة اسمها مشكلة ما بيعالجهاش القرآن

وخصوصا نفسيا يعني لازم ندخل على القرآن بهذا التفاؤل - [00:55:08](#)

وبزالك الاستبشار بس ده ليه دايمًا بيحصل اشكال ان احنا مش فاهمين سنن ربنا مش فاهمين سنن ربنا في الداء والدواء والشفاء التأمين الصحي لربنا ازاى؟ احنا عايزين نشفى واحنا مش فاهمين المرض ولا عارفين المرض ولا هو عندنا اللي قلت عليه قبل كده

التصبر - [00:55:24](#)

على الايه؟ على التصبر من خلال التحليل في سبيل الوصول الى الحلول تاني بالراحة التصبر على التصبر عن طريق التحليل في سبيل الوصول الى الايه؟ الحلول انا عايز ايه؟ هدفي ايه؟ اتبصر بالداء - [00:55:50](#)

طب وهتصبر به ازاى؟ التحليل بس مش اي تحليل التحليل اللي في سبيل الوصول للايه؟ الى الحلول فدايمًا ما بنصبرش عليه.

يعني مسلا زي ما كنا بنتكلم مسلا في المرة اللي فاتت لما اتكلمنا عن ايه؟ عن علم نفس التطفيف - [00:56:09](#)

او سيكولوجيا التطفيف. يا عم انت عمال تقول وتفصل وتحكي ده مهم عشان اعرف انا فين اعرف المظاهر احنا دايمًا اول حاجة

في الطب بتقابلنا اللي احنا بنسميه اللي هو الشكوى الرئيسية - [00:56:28](#)

واحنا عشان نتأكد ان الشكوى دي هي المرض ده بنسأل عن مجموعة اخرى من الاعراب وبعد ما بنسأل عن الاعراض دي بنبدأ نسأل

اسئلة اخرى بحثا عن حاجة مهمة جدا وهي درجة المرض - [00:56:50](#)

احنا فين بالضبط؟ احنا في المرحلة اللي هي الخفيفة اللطيفة ولا المرحلة الشديدة العنيفة ولا المتوسطة ونقعد نسأل شوية اسئلة

تاني عشان لو لقيناه في المرحلة العنيفة نتأكد فيه مضاعفات ولا لا - [00:57:11](#)

لان في وقت ساعتها انا يبقى شاغلني المضاعفات مش شاغلني المرض ولا يفرق معي وبعدين في الاخير بنسأل شوية اسئلة تاني

عشان نحاول نعرف ايه السبب فكل ما معلوماتنا زادت كل ما قدرتنا على التعامل مع الحالة ايه؟ زادت. فهمتوا - [00:57:25](#)

فكل ما احنا معلوماتنا عن الاشكال ده زادت كل ما احنا هنقدر نتبصر اكر بالخطوة اللي هنبدا منها وهو ده الاهم هنبدا منين فلما

اقرب بالضبط انا فين هعرف ابدأ منين - [00:57:42](#)

ان زي ما قلت لحضراتكم دلوقتي ممكن تكون ام جاية بتشتكي بشكوى تخص طفلها. انا ممكن ما يكونش اغلي الشكوى دي. انا ممكن

يكون شاغلني للولد ده بقى له ساعتين - [00:57:56](#)

والكل بتاعته هتفشل ساعتها انا افكر في انه مش عارف بيسهل ولا بيرجع ما يسهل انا كل اللي شاغلني دلوقتي اني احاول استنقذ

هذه الكلى فهمتوا احنا في اوقات مسلا متصورين ان احنا في التطفيف فين؟ في المرحلة الاولى. ممكن الانسان يكون في التطفيف

واصل لمرحلة هتهدد ايمانه - [00:58:06](#)

اتهدد ايمان مرحلة مسلا تخليها يخسر اسرته مرحلة هتخليها يخسر كل الناس اللي حبايبه اللي حواليه يعني نفهم ساعتها هيبقى

التحرك كله لايه يعني حتى لو دايمًا نقول في او المضاعفات احنا تحركنا الاول كاطباء - [00:58:31](#)

اني اروح ادعم الحاجة اللي هتايبه اللي عمالة بتنهار دي فساعتها انا ما هركزش في تطفيفه مش وقت تطفيفك دلوقت اروح اعمل

ايه؟ اركز في ايمانه اللي بينهار اروح اركز في في خلاص مراته اللي كرهت حياتها وكرهت الدنيا ومصرة تطلق - [00:58:56](#)

فاهمين؟ فساعتها انت هتشوف بناء على المضاعفات هتعرف انت هتتحرك فين واول خطوة المفروض تبدأ بها فاقفل ده الاشكال. ان

احنا مش عندنا التصبرها على التبصر الكافي بهذا الاشكال من خلال التحليل في سبيل الوصول للايه؟ الحلول - [00:59:17](#)

احنا عايزين كده لان ربنا ليه سنن في الداء هو احنا كاطباء بقينا بنقول والله في اعراض وفي مش عارف مضاعفات وفي درجات

منين سنن ربنا انا كله بس كل العلوم على الارض كل العلوم على الارض - [00:59:40](#)

ماشي كل هذه العلوم عبارة عن استبانة السنن بس استبانة الايه؟ السنن علم الهندسة كله قائم على ايه؟ علم الفيزيا كله قائم على ايه

ان هم استبانوا سنن ربنا ووصفوها - [00:59:59](#)

عرف قانون الطفو اخترعوا المعلم ارشميدس ما اخترعوش هو عمل ايه؟ شاف سنن ربنا وحاول يفهمها ووصفها واستسماها كل

العلوم كده كل العلوم الانسانية كذب علوم الطيران عمل ايه بتاع الطائرة ده - [01:00:19](#)

شايف سنن ربنا ماشي؟ المتعلقة بهذا الهواء بالعكس درس علم طيور وكان كل ما مشكلة تقابله يروح يدرس انواع اخرى من الياه؟
من الطيور يدرس من الطيور يدرس من الطيور - [01:00:45](#)

وحاول يحاكي الطائر مش اكثر من كده صفتي واقبضني فيحاكبه فكل العلوم الانسانية هي عبارة عن استبانة للسنن الربانية
السنة اللي ربنا اودعها في الياه؟ في المية اودعها في الجبال اودعها في الهوى اودعها في النانو تكنولوجيا - [01:01:04](#)
كل دي سنن ربنا بيستبينها انسان. فزي حتى احنا عندنا علم الطب كله قائم على فكرة ايه على فكرة استبانة السنن نحننا لاحتنا ان
السنن ان المرض يبقي كذا سم كذا سم كذا سم كذا - [01:01:31](#)

فهذه الملاحظات تم تسجيلها تم اختبارها تم بصورة او باخرى لغاية ما وصلنا لحالة ان احنا نقدر نقول والله في كذا سم كذا سم كذا
سم كذا فكل ما العبد - [01:01:45](#)

تبصره بالسنن زاد وفقه للسنن زاد كل ما كان اقدر انه يعمل ايه؟ انه ينسجم مع السنن الربانية ينسجم مع السؤال الرباني يعني في
السنن هقول لكم مسلا على سنة بسيطة جدا - [01:02:04](#)

لو انا كده واحد جاي من كوكب اخر كائن فضاء وقعت في صحرا وبعدين وقعت في صحرا الساعة تسعة الصبح فلقيت الياه؟ الشمس
ما لها طلعة وحلوة وجميلة طب تمام لسة الشمس طالعة بس بتخف شوية - [01:02:23](#)

العصر لقيت الشمس بيحصل لها ايه عمالة بتغيب. دخلنا المغرب الشمس راحت. هصوت هنهار احبط ده كده الكوكب ده بيحصل له
اياه بيضلم وبتاع وانا رايع فين احنا ليه لما بيحي المغرب ما بنهرش - [01:02:43](#)

طب ما انا هرسل اياه عشان عارفين ان دي ايه فترة محدودة وبعدين يحصل ايه؟ مريض. هيحي النهار لو انت فاهم السنن هتعرف
ان الشدة فترة وهيقلبها رضاء في السنن - [01:03:07](#)

هتعرف ان الامة مسلا في الحالة دي وهيقلبها نصر وراه هتعرف ان الالم وراه امل هتعرف ان الحاجة بطبيعتها تعلقو تعلقو تعلقو
وترتفع وكأنها كيرف كده او بيبك وبعد كده بعد البيك بتبدأ تنزل ايه - [01:03:26](#)

تنزل ثاني كل ما تبصر الانسان بالسنن زاد كل ما كانت قدرته اكبر على ان هو يعمل ايه على ان هو يقدر عادي جدا يتماهى مع هزه
السنن وما يحسش باي قلق ولا اي اشكال - [01:03:45](#)

وده اللي بيخلي مسلا الربانيين بيخلي الانبياء والمصلحين تعاملهم مع الازمات غيرنا خالص حتى اذا استيأس الرسل وظنوا
انهم قد كذبوا خلاص في قراءة كذبوا جاءهم نصرنا هو الرسل عارفين ان ان - [01:03:58](#)

انبلاج الفجر هو اللحظة التي تعقب اشتداد زلمة الليل ويعرفوا ان اول ما الظلمة تشتد تسد تسد الفجر طالع خلاص لسه ما اشتديتش
للاخر لسه الفجر مش طالع لسه شوية على الفجر - [01:04:23](#)

حتى لدرجة ان السعر كان يعني يصوغ هذا المعنى فيقول اشتد ازمة تنفرسي قد اذن صبحك بالبلج كل ما تستد كل ما ايه وحتى
احنا يعني المفترض بين الناس امتى امتى الحبل يتقطع - [01:04:44](#)

على الاخر لو الحبل ده مشدود كده شدة خفيفة ما يتقطعش انما امتى يتقطع؟ لما ايه؟ يتشد على الاخر فدي دي طبيعة الازمات فكل
ما الانسان تفقه في السنن كل ما كانت قدرته اكبر على ان هو ايه - [01:05:04](#)

انوي تماما تعيش معها ويفهم الدنيا. سبحانهك اللهم ربنا وبحمدك قد ارسل ربي للخلق نورا يهدي روحا تسري تحيي امواتا تجعلهم
كنجوم تمشي في بشريف كنجوم تمشي في البشر - [01:05:23](#)